

CURRICULUM DO/DA SOLICITANTE

1.- DATOS ADMINISTRATIVOS

DATA DE INGRESO NA ADMINISTRACIÓN		DATA DE INGRESO NA ADMINISTRACIÓN ACTUAL	
DATOS DO POSTO DE TRABALLO ACTUAL			
DENOMINACIÓN DO POSTO DE TRABALLO ACTUAL			DATA DE NOMEAMENTO
CENTRO DIRECTIVO		NIVEL	

2.- ESTUDIOS REALIZADOS

TÍTULO OU CERTIFICADO ACADÉMICO	CENTRO	DURACIÓN	DATA DE EXPEDICIÓN

3.- CURSOS REALIZADOS DE INTERESE PARA A ADMINISTRACIÓN (AGÁS OS DE GALEGO)

DENOMINACIÓN	ORGANISMO QUE O CONVOCA	ANO DE REALIZACIÓN

4.- DECLARACIÓN

<p>DECLARO BAIXO A MIÑA RESPONSABILIDADE :</p> <p>1.- QUE SON CERTOS TÓDOLOS DATOS QUE FIGURAN NA PRESENTE SOLICITUDE .</p> <p>2.- QUE NO NÚMERO 3 ESTÁN RELACIONADOS TÓDOLOS CURSOS REALIZADOS DE INTERESE PARA A ADMINISTRACIÓN. (CURSOS QUE SE VALORAN COMO MÉRITO NOS CURSOS POLAS ADMINISTRACIÓNS PÚBLICAS)</p> <p style="text-align: center;">_____, ____ de _____ de _____</p> <p style="text-align: center;">SINATURA DO/DA SOLICITANTE</p>

Director da Escola Galega de Administración Pública

Polígono das Fontiñas. Rúa de Madrid, 2-4, 15707 Santiago de Compostela

Orde do 26 de decembro de 2003 pola que se anuncia a convocatoria de encontros e actividades de formación e de intercambios de experiencias para os responsables e os compoñentes dos equipos de normalización lingüística, e para o profesorado en xeral, dos centros de ensino non universitario públicos, privados e privados concertados da Comunidade Autónoma de Galicia.

A Lei 3/1983, de normalización lingüística, encoméndalles ás autoridades educativas que tomen as medidas oportunas para promove-lo uso progresivo do galego no ensino. Ese uso debe contribuír a que os alumnos do ensino non universitario vaian acabando os distintos ciclos cun dominio similar de galego e de castelán.

Entre as medidas que a Administración educativa está levando a cabo figuran a formación do profesorado en lingua galega e a constitución dos equipos de normalización lingüística nos centros educativos. Estes equipos, actualmente regulados polo disposto no Decreto 324/1996, do 26 de xullo, e no Decreto 374/1996, do 17 de outubro (*Diario Oficial de Galicia* do 9 de agosto e do 21 de outubro, respectivamente), teñen como función principal a de potencia-lo uso da lingua galega nos centros de ensino non universitario, e son os encargados de elaborar e dinamizar un plan anual de actividades tendentes á consecución dos obxectivos establecidos polo centro en relación coa normalización do idioma e a cultura de Galicia.

Cómpre, entón, dinamiza-las actuacións deses equipos, promovendo a formación dos seus membros e o intercambio e a difusión das experiencias entre os distintos centros.

Por outra banda, e dado que o labor de promoción lingüística é tarefa xeral de todo o profesorado, é preciso mellora-la formación, especialmente lingüística, non só dos membros deses equipos senón tamén de todo o profesorado en xeral.

Por todo isto, a Consellería de Educación e Ordenación Universitaria

DISPÓN:

Artigo 1º

1. Anúncianse encontros e actividades de formación e de intercambios de experiencias para os responsables e os compoñentes dos equipos de normalización lingüística constituídos nos centros educativos non universitarios públicos, privados e privados concertados da Comunidade Autónoma de Galicia, e para o profesorado en xeral deses mesmos centros.

2. O gasto ocasionado pola celebración destes cursos, financiarase con cargo á partida orzamentaria 07.06.353E.640.2 dos orzamentos xerais da Comunidade Autónoma de Galicia para o ano 2004, actualmente en trámite parlamentario, por unha contía máxima de 100.000 € (cen mil euros) e estará sometida á condición suspensiva de existencia de crédito axeitado e suficiente, tal e como se establece na Orde do 11 de febreiro de 1998, pola que se regula a tramitación anticipada de expedientes de gastos, modificada pola Orde do 27 de novembro de 2000 e pola Orde do 25 de outubro de 2001.

3. As retribucións correspondentes son as establecidas no Decreto 202/2002, do 6 de xuño (*Diario Oficial de Galicia* do 17 de xuño).

Artigo 2º

1. A finalidade destes encontros e actividades é a formación lingüística do profesorado, co fin de conseguir-la progresiva utilización da lingua galega no ensino e, en consecuencia, mellora-lo dominio que os alumnos teñen do idioma galego.

2. O contido destes encontros e actividades centrarase, fundamentalmente, nas competencias que nos decretos 324/1996 e 374/1996 se lles encomendan ós equipos de normalización lingüística, e mais no establecido no Decreto 247/1995.

3. Tódalas actividades que se realicen faranse en galego e ateranse, no atinente á normativa e ó uso correcto do idioma (tal e como determina a disposición adicional da Lei 3/1983, de normalización lingüística), ó establecido pola Real Academia Galega.

Artigo 3º

1. As localidades de celebración, as datas de comezo e mailos horarios dos encontros determinaraos a Consellería de Educación e Ordenación Universitaria a través da Dirección Xeral de Política Lingüística, segundo as solicitudes presentadas e a súa distribución xeográfica.

2. Canto ás actividades, tanto o contido concreto de cada unha delas coma todo o referente á súa organización, anunciaraos a Dirección Xeral de Política Lingüística da Consellería de Educación e Ordenación Universitaria no segundo trimestre de 2004.

Artigo 4º

1. A duración de cada encontro ou actividade poderá variar segundo a programación que a Dirección Xeral de Política Lingüística dispoña.

2. A asistencia a tódalas sesións destes encontros e actividades será obrigatoria.

3. Ás persoas que participen nos encontros e actividades outorgaráselles un certificado de asistencia.

4. En cada anuncio de actividades determinarase a priorización dos asistentes e a temporalización daquelas.

Artigo 5º

1. As solicitudes presentaranse, utilizando os formularios que figuran como modelos nos anexos desta orde, no rexistro das delegacións provinciais da Consellería de Educación e Ordenación Universitaria, ou tramitaranse por calquera dos medios que recolle o artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. O prazo de presentación das solicitudes para calquera actividade será de vinte días hábiles seguintes ó do anuncio de cada actividade.

3. Sobre a admisión das solicitudes resolverá a correspondente delegación provincial da Consellería de Educación e Ordenación Universitaria.

Contra esta resolución os interesados poderán interpoñer recurso de alzada perante o conselleiro de Educación e Ordenación Universitaria no prazo dun mes, contado a partir da súa notificación, segundo o disposto nos artigos 114 e 115 da Lei 30/1992, de réxime xurídico das administracións públicas e do procedemento administrativo común, modificada pola Lei 4/1999.

De non recaer resolución expresa no prazo de seis meses, que se contarán desde a publicación desta convocatoria no *Diario Oficial de Galicia*, as solicitudes entenderanse desestimadas.

4. O número de asistentes a cada encontro ou actividade será de 20 persoas como mínimo.

Artigo 6º

Os módulos económicos que se fixen para cada encontro e actividade poderán comprender:

-Retribución dos relatores ou conferenciantes, no caso de os haber, polas súas conferencias ou relatorios.

-Retribución do coordinador ou coordinadora e mais do persoal subalterno, cando sexan necesarios.

-Dotación específica para material.

-Gastos de desprazamento dos relatores ou conferenciantes.

Disposicións derradeiras

Primeira.-Autorízase o director xeral de Política Lingüística para dictar, no ámbito das súas competencias, as resolucións necesarias para o desenvolvemento desta orde.

Segunda.-Esta orde entrará en vigor para o día seguinte da súa publicación no *Diario Oficial de Galicia*.

Santiago de Compostela, 26 de decembro de 2003.

Celso Currás Fernández

Conselleiro de Educación e Ordenación Universitaria

ANEXO I



XUNTA DE GALICIA
CONSELLERÍA DE EDUCACIÓN
E ORDENACIÓN UNIVERSITARIA

PROCEDEMENTO ENCONTROS PARA OS MEMBROS DOS EQUIPOS DE NORMALIZACIÓN LINGÜÍSTICA E DE POTENCIACIÓN DO USO DO GALEGO, E PARA O PROFESORADO EN XERAL	CÓDIGO DO PROCEDEMENTO ED101B	DOCUMENTO SOLICITUDE
---	---	--------------------------------

SOLICITUDE DE ASISTENCIA A ENCONTROS**DATOS DO / DA SOLICITANTE**

APELIDOS		NOME	DNJ
Nº DE REXISTRO DE PERSOAL	CENTRO DE TRABALLO		
LOCALIDADE	TELÉFONO DO CENTRO	VINCULACIÓN CO EQUIPO DE NORMALIZACIÓN LINGÜÍSTICA DO CENTRO: <input type="checkbox"/> RESPONSABLE <input type="checkbox"/> COMPOÑENTE <input type="checkbox"/> NON PERTENCE	

SOLICITA:

Asistir ós encontros de formación e intercambios de experiencia para os responsables e compoñentes dos equipos de normalización lingüística, e para o profesorado en xeral, dos centros de ensino non universitario públicos, privados e privados concertados da Comunidade Autónoma de Galicia, convocados pola Orde do 26 de decembro de 2003.

Localidades de preferencia:

1º _____

2º _____

LEXISLACIÓN APLICABLE <i>Orde do 26 de decembro de 2003 pola que se anuncia a convocatoria de encontros e actividades de formación e de intercambios de experiencias para os responsables e os compoñentes dos equipos de normalización lingüística, e para o profesorado en xeral, dos centros de ensino non universitario públicos, privados e privados concertados da Comunidade Autónoma de Galicia.</i>
SINATURA DO / DA SOLICITANTE _____ de _____ de 200

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA / /
REVISADO E CONFORME		DATA DE EFECTOS / /
		DATA DE SAÍDA / /

Delegación Provincial da Consellería de Educación e Ordenación Universitaria (Gabinete de Normalización Lingüística) _____

ANEXO II



XUNTA DE GALICIA
 CONSELLERÍA DE EDUCACIÓN
 E ORDENACIÓN UNIVERSITARIA

PROCEDEMENTO ENCONTROS PARA OS MEMBROS DOS EQUIPOS DE NORMALIZACIÓN LINGÜÍSTICA E DE POTENCIACIÓN DO USO DO GALEGO, E PARA O PROFESORADO EN XERAL	CÓDIGO DO PROCEDEMENTO ED101B	DOCUMENTO SOLICITUDE
---	---	--------------------------------

SOLICITUDE DE ASISTENCIA A ACTIVIDADES DE FORMACIÓN

DATOS DO / DA SOLICITANTE

APELIDOS		NOME	DNI
Nº DE REGISTRO DE PERSOAL	CENTRO DE TRABALLO		
LOCALIDADE	TELÉFONO DO CENTRO	VINCULACIÓN CO EQUIPO DE NORMALIZACIÓN LINGÜÍSTICA DO CENTRO: <input type="checkbox"/> RESPONSABLE <input type="checkbox"/> COMPOÑENTE <input type="checkbox"/> NON PERTENCE	

SOLICITA:

Asistir á/s seguinte/s actividade/s de formación para os responsables e compoñentes dos equipos de normalización lingüística, e para o profesorado en xeral, dos centros de ensino non universitario públicos, privados e privados concertados da Comunidade Autónoma de Galicia, convocados pola Orde do 26 de decembro de 2003.

Actividade

Localidade

1º _____

2º _____

LEXISLACIÓN APLICABLE <i>Orde do 26 de decembro de 2003 pola que se anuncia a convocatoria de encontros e actividades de formación e de intercambios de experiencias para os responsables e os compoñentes dos equipos de normalización lingüística, e para o profesorado en xeral, dos centros de ensino non universitario públicos, privados e privados concertados da Comunidade Autónoma de Galicia.</i>
SINATURA DO / DA SOLICITANTE _____ de _____ de 200

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA / /
REVISADO E CONFORME		DATA DE EFECTOS / /
		DATA DE SAIDA / /

Delegación Provincial da Consellería de Educación e Ordenación Universitaria (Gabinete de Normalización Lingüística) _____

CONSELLERÍA DE CULTURA, COMUNICACIÓN SOCIAL E TURISMO

Orde do 29 de decembro de 2003 pola que se convocan subvencións a empresas vinculadas co sector audiovisual para apoiar o desenvolvemento de proxectos de produción audiovisual en lingua galega, así como a produción audiovisual en lingua galega.

A Consellería de Cultura, Comunicación Social e Turismo, no exercicio das súas competencias de fomento e promoción nos diversos ámbitos da cultura en Galicia, é consciente da importancia que está adquirindo o sector audiovisual na sociedade actual, contribuíndo ó enriquecemento cultural e ó desenvolvemento económico da Comunidade Autónoma de Galicia.

A través das axudas ó desenvolvemento dos proxectos audiovisuais en lingua galega preténdese fomentar unha das fases máis esenciais da produción audiovisual, como é a da posta a punto dos aspectos guionísticos e orzamentarios.

Enténdese por desenvolvemento de proxectos o conxunto de operacións que preceden á fase de produción propiamente dita, a rodaxe dunha obra audiovisual. O devandito concepto inclúe, en particular, a redacción do guión, a procura de socios, a preparación do plan financeiro da produción, a elaboración do plan de márketing e de distribución.

Para certos tipos de produción, considéranse como parte integrante do desenvolvemento da obra a investigación gráfica e a realización dun filme piloto (para as películas de animación), a busca de arquivos (para as producións que valoren o patrimonio audiovisual europeo) e o desenvolvemento de software específico (para producións multimedia).

Este procedemento de desenvolvemento culmina propiamente coa fase da produción polo que a Consellería de Cultura, Comunicación Social e Turismo establece axudas para a produción audiovisual en lingua galega, co fin de fomentar o crecemento do sector audiovisual en lingua galega na nosa comunidade autónoma.

Por todo isto,

DISPOÑO:

I. Bases xenéricas para a concesión das subvencións.

Artigo 1º.-Obxecto e partida orzamentaria.

Convócanse subvencións, mediante réxime de concorrencia competitiva, para apoiar o desenvolvemento de proxectos de produción audiovisual en lingua galega e a realización de producións audiovisuais en lingua galega.

A Consellería de Cultura, Comunicación Social e Turismo dedicará un importe de 3.755.823 euros, que

se financiarán con cargo á aplicación orzamentaria 10.04.353B.770 dos orzamentos xerais da Comunidade Autónoma de Galicia, sendo a cantidade de 2.851.173 euros para a anualidade 2004 e a de 780.304 euros para a de 2005, ó abeiro do disposto no artigo 58 do texto refundido da Lei de réxime financeiro e orzamentario de Galicia aprobado polo Decreto lexislativo 1/1999, do 7 de outubro.

No caso de que se solicite axuda plurianual para as anualidades referidas, farase constar expresamente na solicitude.

Artigo 2º.-Beneficiarios.

Poderán optar a estas subvencións as produtoras audiovisuais e empresas de produción multimedia legalmente constituídas como tales no territorio da Unión Europea e que contén, alomenos, cunha axencia de representación en Galicia.

Os proxectos presentados ó abeiro desta convocatoria deberán realizarse nun mínimo do 25 % na Comunidade Autónoma de Galicia.

En todo caso, nas bases específicas determinaranse os requisitos concretos que deben cumprilos solicitantes para accederen a ámbalas modalidades.

Artigo 3º.-Motivos de exclusión.

Quedan excluídos os solicitantes que foran beneficiarios dalgunha outra subvención da Consellería de Cultura, Comunicación Social e Turismo e incumpri- ran as bases e a finalidade establecida na súa convocatoria, así como proxectos encargados por terceiras persoas, e as producións didácticas e publicitarias.

Ademais, quedan excluídos aqueles solicitantes que, para o mesmo proxecto, xa foran beneficiarios dunha axuda para a realización de proxectos de produción audiovisual en lingua galega que incorporen novos realizadores, convocadas pola Consellería de Cultura, Comunicación Social e Turismo.

Artigo 4º.-Obtención dos formularios de solicitude.

Os formularios para as solicitudes de axuda reguladas nesta orde serán cubertos e obteranse necesariamente polo solicitante a través da aplicación informática establecida no enderezo da Internet <http://www.xunta.es/conselle/cultura/index.htm> ou tamén <http://www.xunta.es/servicios/>. Estes formularios así obtidos presentaranse asinados, sen engadir novos datos e sen realizar emendas ou riscaduras no seu formato orixinal.

Poderanse cubrir e obte-los formularios ata as 24.00 horas do día anterior á data de finalización do prazo de presentación de solicitudes.

No caso de dúbida, dificultades técnicas ou necesidade de máis información poderán dirixirse á Dirección Xeral de Comunicación e Audiovisual, a través do teléfono 981 54 45 23 ou no enderezo de correo electrónico cultura@xunta.es que adoptará as medidas necesarias para facilita-la presentación das solicitudes.